

Ngoenz singhgiz banringz, Vangz gizcangj caeuq lauj Gyangh youq ndaw gunghyenz dwk geiz. Cingq dwk ndaej mizyinx seiz, sawqmwh cienz daeuj singheuh “lwgguk, lwgguk……”, song boux de cungj ndaejyi, hoeng, gyoengqde mbouj leixlangh, aenvih singheuh “lwgguk” neix caeuq gyoengqde mboujmiz gvanheih.

“Lwgguk, lwgguk……” Sing-hemq beij haxbaenh hung, boux hemq haenx daeuj daengz henzndang songde dem. Vangz gizcangj caeuq lauj Gyangh ngiengx gyaеuj hwnjdaеuj, bousai noh ndaemnding, din fwngz coyadyad ndeu, cingq gikdoengh dwk yawj coh Vangz gizcangj.

“Lwgguk, mwngz mbouj rox gou la? Gou dwg Daegrin.”

“Aeyu, dwg Daegrin ha, mwngz baenzlawz youq gizneix ne?” Vangz gizcangj seizneix ngamq siengj ndaej daengz “lwgguk” couh dwg aen coh iq de, lizhai ranzcoj samcib bi lo, mbouj caiq dingqyi miz vunz heuh aen coh neix, yaepndeu singj mbouj gvaq daeuj.

sawcuenh dinj

Vangz Gizcangj Ae’ngab

黄局长咳嗽

□Lingz Siuyangh/凌秀香

“Gou soengq lwg daeuj ndaw swngj doeg daihhag, mbouj siengj daengz youq gizneix ndaejraen mwngz.” Daegrin angq dwk naeuz.

“Goengheij! Ndaw mbanj raeuz ok vunzcaiz ha.” Vangz gizcangj youh angq dwk gaisau hawj lauj Gyangh naeuz: “Boux neix dwg bouxdoi h mwh iq gou.”

Daegrin caeuq lauj Gyangh dox ngaek gyaеuj riunyumnyum.

Vangz gizcangj angq lai, rag Daegrin haeuj ranz de bae.

Vangz gizcangj din ngamq yamq haeuj dou couh hemq: “Mehyah, miz

hekmoq daeuj bw, mwngz yawj, bouxdoi h mwh iq gou, mwhde song dou yaek caemh daenj geu vaq ndeu ne.”

Mehyah Vangz gizcangj ndat-cingz dwk heuh Daegrin naengh daengq, gingq caz hawj de.

Vangz gizcangj youh hemq: “Mehnax, mehnax”. Mehsimj ndeu daj ndaw ranzdajcawj okdaеuj, Vangz gizcangj naeuz: “Hekmoq daeuj, bae cawx di byaek ndei ma, dou yaek yet di laeuj.” Mehsimj cam: “Ndei, cawx byaek gij maz ne?”

“Cawx duz gaeq he.” Vangz gizcangj gangj sat couh ae mbat he, youh naeuz: “Song duzfw, duz gaen lai doxhwnj bw.” Gangj sat youh ae mbat he, youh diemj duzbaeu, duzungq, nohyiengz, nohcawz……moix diemj sat yiengh ndeu couh ae mbat ndeu.

Daegrin muengz lanz naeuz: “Mbouj yungh cawx baenzlai byaek, duix souh ndeu, vanj byaeksoemj ndeu couh ndaej lo.”

“Vangz gizcangj, mwngz yawj?” Mehsimj veiznanz dwk yawjyawj Vangz gizcangj.

“Daegrin mbouj dwg boux wnq, caiq cawx di nohcing daeuhfouh byaekheu couh baenz lo.” Vangz

gizcangj caiq diemj geij yiengh byaek neix, mbouj caiq ae lo, de vad fwngz naeuz, “seizgan mbouj caeux lo, vaiq di bae cawx.”

Mehsimj muengz bae haw lo.

Vangz gizcangj caeuq Daegrin gangjgoj, Vangz gizcangj naeuz: “Caen dwg ndwenngoenz mbouj caj vunz ha, raeuz cungj geq lo, danghnaeuz ngoenzneix mwngz mbouj haeuj singz daeuj, mbouj rox ngoenz lawz raeuz cij ndaej doxraen.”

“Dwg ha, raeuz bouboux nyaengq. Gou hix ngeix mbouj daengz ngoenzneix raeuz ndaej doxbungz.” Daegrin naeuz.

Songde cingq gangj ndaej haisim, mehsimj cawx byaek dauqma lo, mehsimj naeuz, bae haemh lo, mboujmiz byaek wnq gai, cij cawx ndaej nohcing, daeuhfouh caeuq byaekheu ma.

Vangz gizcangj raen le, mbouj angq dwk gva iq mehsimj.

“Baenz lo, raeuz nienzgeij neix gwn noh lai doiq ndangdaej mbouj ndei.” Daegrin naeuz.

Donq haeux neix, yienznaeuz haeux byaek bingzciengz, laeuj dwg laeuj doj, hoeng, songde gwn ndaej gig haisim.

Ngoenz daihngeih,Vangz gizcangj youq gwnz haw raen Lij gizcangj. Vangz gizcangj cingj Lij gizcangj daeuj ranz gwnhaeux.

Vangz gizcangj yamq haeuj dou ranz couh hemq: “Mehyah, mehyah, miz hek daeuj bw.”

Mehyah ndatcingz dwk heuh Lij gizcangj naengh daengq, lij dauj caz hawj dem. (caengz sat)

Gingq Laux Daih Swnj Daih

敬老代代传

□Suh Dasingh /苏大星

Gouj nyied haeuj hanzloh
Faexgeq goj did ngaz
Mauxdan cingq hai va
Doenghgo ma beij vuengh

Ndaw ranz miz bouxgeq
Ndei veh va camq ranz
Gwn raemxgyoet hix van
OK rog ansim byaij

Co gouj ciet bouxgeq
Gyoengqde caez cang ndang
Vad fwngz bae gvangj Cangz
Diuqfoux angq goenghoh

Bouxgeq dwg gaemzbaui
Yungh dauhleix son vunz
Sinhoy gaenx guh gwn
Gag giengz ndwn lajdeih

Daxboh dang gvaq bing
Hoenx hingz fangz Yizbwnj
Youq baihnaj vunz ndwn
Hwnj daiz dang yinghyungz

Bouxgeq miz vunz ciengx
Ciuhvunz siengj miz baengh
Gvaq saedceij angqfaengz
Ndang cangq baengh vaiqvued

Daxmeh dwg ganbu
Lajmbanj guh duicangj
Baen naz hawj vunz angq
Byaij roen’ gvangq hwnj loh

Youq rog seizgan nanz
Ciengz dauqranz yawjyawj
Youq gyaе dangq youq gyawj
Hawj bouxlaux simsoeng

Bohmeh yienznaeuz geq
Cingsaenz mbe lij hoengh
Vih beksingq sim hoengz
Bang gyoengqvunz banhsaeh

Bouxlaux lumj goengqbya
Cingz naekna lumj haij
Gingq laux daih swnj daih
Cunghvaz lai vwnzmingz

Aenvih mbouj ciuq gij cingz-gvang gak dieg mbouj doengz haenx bae ceidingh banhfap, gij beijlaeh gvanhaeh ndaw nungzyez deng dajluen h. Gij dieg bonjlaiz yungh lai cungj ginghyingz guhcawj haenx dingzlai deng gaj baenz ndaem haeuxgwn guhcawj, doeklaeng dwg sairengz lai, canjliengh daemq, swngheanj haeuxgwn gig mbouj onjdingh, lai cungj ginghyingz youh deng caenx gvaq henz bae lo.

Doenghgogai, huqndoeng’ok, huqdoi hduz deng gemjcanj, mbouj-danh yingjyangj ginghgunghyey swngheanj, caemh yingjyangj deng doiq rog guh gaicawx. Bi 1958, gai youzgyaeuq, soengyieng, mouseng, youzveizyiangh, youzsoenghoh, youz-lwngganx, gvamqlwngganx, danqfaex daengj 8 cungj canjbinj neix ok guek, ndaej 1854 fanh meijyenz, bi 1961 cij

ndaej 240 fanh meijyenz, gij ngaenz deng gemj haenx ndaej daj guekrog cawx 4.6 ik gaen megmienh.

Swcigih Dangjveij nyinhnaeuz, ok cungj yienhsiengq neix, aeu daj cujgvanh gwnzde guh diemjcaz, gijde caeuq Swcigih Dangjveij caengz ndaej cingqgoz roxnyinh gij diuzgen swyenz caeuq gij cingzgvang lizsij Guengjsae miz gvenhaeh. Hoeng, gangj daengz gij saehsaed Guengjsae, Guengjsae

gaijfang le, lai bi daeuj, gij hong diuh haeuxgwn hawj baihrog haenx daiq naek, gijneix caemh dwg aen yenzyinh youqgaenj ndeu. Bi 1953 daengz bi 1962 ndaw 10 bi neix, Guengjsae bingzyaenz binaengz diuh haeux hawj baihrog 3.09 ik gaen (haeuxgaicawx), sawj haeuxgwn Guengjsae cungj dwg gaenjcieng, ndigah mbouj ndaej mbouj bae gaem ndaem haeux, caenx haujlai doenghgogai gvaq henz bae.

Boux faenguenj caizmou Ho Hih-mingz gig miz gamjsouh dwk naeuz: “Danghnaeuz mbouj diuzcingj gij hongrap Guengjsae diuh haeux hawj baihrog haenx, gvaqlaeng raeuz vanzlij dwg nanz ndaej ciuq gij cingzgvang gak dieg mboujdoengz haenx ceidingh banhfap, baij giz ndei vut giz yaez Guengjsae.”

(caengz sat)



Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

ndaej 240 fanh meijyenz, gij ngaenz deng gemj haenx ndaej daj guekrog cawx 4.6 ik gaen megmienh.

Swcigih Dangjveij nyinhnaeuz, ok cungj yienhsiengq neix, aeu daj cujgvanh gwnzde guh diemjcaz, gijde caeuq Swcigih Dangjveij caengz ndaej cingqgoz roxnyinh gij diuzgen swyenz caeuq gij cingzgvang lizsij Guengjsae miz gvenhaeh. Hoeng, gangj daengz gij saehsaed Guengjsae, Guengjsae

gaijfang le, lai bi daeuj, gij hong diuh haeuxgwn hawj baihrog haenx daiq naek, gijneix caemh dwg aen yenzyinh youqgaenj ndeu. Bi 1953 daengz bi 1962 ndaw 10 bi neix, Guengjsae bingzyaenz binaengz diuh haeux hawj baihrog 3.09 ik gaen (haeuxgaicawx), sawj haeuxgwn Guengjsae cungj dwg gaenjcieng, ndigah mbouj ndaej mbouj bae gaem ndaem haeux, caenx haujlai doenghgogai gvaq henz bae.

Boux faenguenj caizmou Ho Hih-mingz gig miz gamjsouh dwk naeuz: “Danghnaeuz mbouj diuzcingj gij hongrap Guengjsae diuh haeux hawj baihrog haenx, gvaqlaeng raeuz vanzlij dwg nanz ndaej ciuq gij cingzgvang gak dieg mboujdoengz haenx ceidingh banhfap, baij giz ndei vut giz yaez Guengjsae.”

(caengz sat)